

žona pak k Serbam; z čeledzu řečitaj serbski, ze swojimi džěćimi pak němski a dataj je tež we šuli němski rozwučować, tola džěći same mjez sobu, z čeledzu a ze wšitkimi druhimi ludźimi we wsy serbski powědaju. Jedyn druhi kubleř je so z němskej žonu woženil, kiž pak je so z časom cyle přeserbšćila; jeju džěći su serbske. — Trupinjenjo słušeju tohorunja wšitecy do Serbow. — W Jitku maš 2 prosteju Němcow, kotrejuž džěći pak su serbskeje řeče dospołnje mócne. W jenej měšanej swójbje so němcuje, džěći pak mjez sobu serbuja. — W Nižej Wsy sydla sami Serbja; ale jena swójba tam němcuje a žada za swoje džěći němske rozwučowanje we šuli. — W Rakecach samych je mjez 243 swójbami 159 čistoserbskich, 31 měšanych (serbsko-němskich) a 53 němskich (abo kiž so jako němske wobhladuja). Z čistoserbskich swójbow dzerži so 11 rad k Němcam a da swoje džěći w šuli němski wučić; w měšanych mandželstwach je 19 gospodarjow a 12 hospozow němskich, serbski pak móža wšitecy; wot němskich swójbow rozumi 24 tež serbski, a jich stawy ze Serbami, hdyž tež njerad, serbski powědaju. Potajkim namakaš w Rakecach 29 (po druhim swědčenju lědma 15) swójbow, kiž serbski njemóža. Mjez tymi nětko němskimi swójbami so, štož móžeš z jich mjenow sudzić, z najmjeńša 18 přeněmčenych nadeńdže. Stajnje serbski pak řeči so jeno w 148 swójbach, a w 95 swójbach so mjenje bóle němcuje. To slěduje ze sylneje zamóžnosće wulkeho němskeho knjejstwa ze swojimi němskimi zastojnikami a ze wliwa prjedawšich knježeřskich zastojnikow při nětko zběhnjenym sudnistwje.

Hospodařstwo: 1) Rakecy maju: 1 wulke ryćerku bło z paleńju a piwańju, ze sobu najwobšěrnějšim rybařstwom w cyłych Němcach a 2 hosćenomaj; nimo toho su tu hišće 3 druge hosćency a 1 korěma, 8 klamańjow, 3 předawańje sukna atd., 5 pjekarjo, 3 rěznicy, 3 kowarjo, 2 kołodžeje, 2 młynaj, 1 hapytyka, 1 cyrkej, 1 fara, 2 šuli a 1 wustaw; 2 poľeńkowjo, 13 žiwnosćerjo, 130—140 khěžkarjow z polemi, mjez nimi mnozy mulerjo a ćeslowjo, 6 šewcy, 5 krawcy, 1 póstna stacija. — 2) Jeńšecy: hrom. 17 hospodařstwow; z wjetša stare twarjenja po jenym šosu poskićeju při wšem přecelny na-